



**Meeqqanut kinguaassiutitigut kanngutsaattuliortarneq ullumimut naleqqiullugu annertuumik appartinniarlugu pitsaaliunerup paasiniaasarnerillu nukittorsarnissaat pillugu apeqquteqaat allaavigalugu oqallinnissamik siunnersuut.**

(Inatsisartunut ilaasortaq Tillie Martinussen, Demokraatit)

Qujanaq Inatsisartunut ilaasortamut Tillie Martinussenimut una oqallinneq pingaarutilik qaqqimmagu. Kisitsisit quarsaarnartut takusinnaavagut, meeqqanik inuusuttunillu ullumikkut kanngutsaattuliortarnermut tunngasut. Kisitsisit akuerisinnaanngisagut. Kisitsisit apeqquteqaat allaavigalugu oqallinnissamut siunnersuummi taaneqartut saniatigut oqaatigisinnaavarput kinguaassiutitigut kanngutsaattuliortarnerit amerlassusaat ukiut 2000-t aallartimmatali ikiliartorsimangillat, tassa naatsorsueqqissaartarneq aallartinneqarmalli. Paqumigisarput ammasumik oqallisigisaleratsigu kanngutsaattuliortarnerit ikiliartorsimangillat. Kanngunaqaaq, kisitsisimmi tunuaniipput inuit, meeraq, arlaata kanngutsaattuliorfigisimasaa. Inuunermik oqimannerulersitsigaartumik.

Inersimasut meeqqanik atoqateqarnermikkut pissarsisarnerat inuit iluamik eqqarsarsinnaasugut paasisinnaangilarput, kisianni immaqa pisariaqarsinnaavoq taaguutip qanoq isumaqarnerata oqaatigikulanissaa uangut tamatta iliuseqarsinnaanngorniassagatta.

Pivagut inersimasut meeqqanik atoqateqartartut. Naalugiarsunniit inuusuttunut perulersunut. Inersimasut kanngutsaattuliorlutik meeqqanik inuujumallutik, nerisassa qarumallutik, atisassa qarumallutik aamma inuuginnarsinnaajumallutik inersimasunik pisariaqartitsitsisunik atonerluisarput meeqqat inersimasut malittarisassa at malittariaqartarmatigit ilaatigullu inunngortitsisuminni sernissortissaminik atonerlunneqartarput.

Demokraatini isertussanngilarput kissaatigigatsigu kanngutsaattuliortartut sakkornerungaartunik pineqaatissinneqartarnissaat. Kisianni aamma peqataanik paaserusupparput atonerlusartut sorliit nunatsinni inissiisarfinniittuutiginerlutigit.

Sooruna ulloq manna tikillugu misissorneqarsimangitsoq suna pissutaasarnersoq, isertitsivinnut kanngutsaattuliorsimasunik mattussaasoqaraangat?

Apeqqutit soorlu; meeqqanik atoqateqartarnermik pissuteqarpa imaluunniit atoqatigiinnermut ajortumik isiginneriaaseqarneq pissutaava kanngutsaattuliorqartarneranut? Kanngutsaattuliorqoq



nammineq kanngutsaattuliorfigineqarnikuua? Kanngutsaattuliorqoq kanngutsaattuliulinnginnermini ukiorpassuarni eqqarsarsimava meeqqanut inuusuttunullu kanngutsaattuliorniarluni?

Imigassartorsimaneq kanngutsaattuliornermut pissutaava? Kanngutsaattuliorqoq tarnikkut napparsimava imaluunnii ulorianartorsiorpa? Peqqissimisarpap? Kanngutsaattuliorqoq ilaqttani, naapittakkani, internetti imaluunniit suliffini atorpa meeraq pallinniarlugu?

Tamanna misissortuugutsigu paasissutissanik ersarissunik tigummiagassagaluarpuq, atorsinnaasatsinnik immikkut sakkortuumik pitsaaliuinitinni. Ilikkassagaluarparput sumi qanorlu meeqqagut ilinniartissanerlugut suut mianersuutigissagaat aamma paasissagaluarparput qanoq iliorluta kanngutsaattuliorqoq ikiorsinnaanerlutigit immaqa aamma kanngutsaattuliorqoqqaartinnatik saaffigisinnaasaannik pilersitsisinnaagaluarpuq - meeqqat annaakkumallugit.

Sulisut meeqqanik sullitallit sukumiinerusumik ilinniartittariaqarpagut, erngiinnaq nalunaaruteqarsinnaalersillugit aamma kommunit suleqatigalugit isumaqatigiissutigisariaqarpap, kinguaassititigit kanngutsaattuliorqoqarsimasinnaanera, persuttaasoqarsimasinnaanera imaluunniit sumiginnaasoqarsimasinnaanera pillugu nalunaaruteqartoqaraangat, taava kommunit akunnerit 24-t ingerlaneranni qisuartassapput aamma sapaatip akunnerata naanerani.

Meeqqanik inersimasunillu ilinniartitsinermit aallaaviusariaqarpap periarfissat assigiinngitsut, ilaatigut Demokraatini isumaqarpagut ilinniartitsissutissat groomingimik taaneqartartut amingaatigineqartut aamma nalorninermut naaggaarsinnaatitaanermullu tunngasut.

Grooming tassaavoq kanngutsaattuliorqoq atorpa meeraq pallinniarlugu, soorlu internetikkut. Kanngutsaattuliorqoq meeraq tatiginnilersittarpap, tunissuteqartarnermigut imaluunniit meeqqanik arriitsumik toqqissisimatitsisuusaariartornermigut assinik imaluunniit iliutsinik peqqullugu qinnuigilinnginnerani, taamaasillutik meeraq tiguartarpaat isumaqalersillugit "ataatsimut isertungaateqatigiilersut". Taava meeraq pinngitsaalillugu ussarsaarluguluunniit neriorsuisissinnaavaat, kanngutsaattuliorqoq pisinnaanngorlugu.

Naaggaarsinnaatitaaneq qujanartumik meeqqanut atuartitsissutigineqalereerpoq kisianni aamma pisariaqartitsisoqarpoq tamatuma annertusinissaannut, meeqqat qimaatinnagit nukittunerulersinniarlugit aamma ersilerunik aqqusinermit nilliasinnaasut kiisalu aamma qimaasinnaasut arlaat eqqumiitsumik pissusilersulissagaluarpat. Aamma inersimasumik ilisarissamngisaminnik ingiaqateqartassanngitsut, sualummik sumiiffinni taassuminnga kisimeeqateqarfigisassaminni.

Demokraatini isumaqarpagut meeqqat ulorianartorsionissaminnut qanittut immikkut suliniarfigineqartariaqartut. Meeqqat meeqqat angerlarsimaffianniittut, angajoqqaarsiallit, atuartut



angajoqqaanngitsut aamma attaveqanngitsut tamanna pillugu immikkut atuartinneqartariaqarput. Taakku innarlerneqannginnissaa kanngutsaattuliorfigineqannginnissaallu pillugu.

Aamma iluaqutaasinnaavoq KNR-ikkut kalaallisut qaammarsaatnik allakaatitsinissaq. Ataasiaannarani, aallakaatitassaarukkaangat - aallakaatinneqarsinnaapput atuartsissutit taamaattut immaqaluunniit assersuutigalugu KNR 2-kku ulloq unnuarlu naallugu.

Aamma inuusuttut meeraapput sernissugassat. Nunarsuarmi inuusuttunnguit timaat atorlugit atoqatigiinnermut attuumassuteqartunik assinik atuigaluttuinnarfiusumi aamma peqqinnangitsumik atoqatigiinnermut tunngasunik pigaluttuinnarfiusumi, pingaarutilerujussuuvoq meerartatsinnik ilinniartitsinissamut aamma meerartatsinnik ikiuinissarput eqqortumik aalajangiisinnaaleqqullugit imminnut ulorianartorsiortilersinnaanerit pinngitsoortinniarlugu - tassunga atatillugu pingaarutilerujussuuvoq inersimasut ilinniartinneqassammata eqqaasittuarneqarlutillu, atoqatigiinnerup killingi sumiinersut aammali qanoq eqqortumik iliortoqartarnersoq inerteqqutaasup killinganiittoqartillugu. Ajorpoq atornerluisuunissaq, ajorpoq inuusuttunik atoqateqarniarneq, ajorpoq taamaattut inissisimaneq asanninnermik taassallugu taamaaleriarlunilu inummik allamik atornerluilluni.

Kinguaassiutitigut atornerlunneqarnerup kingorna ikeqarluni inuussagaanni nukittusariaqarpoq amerlanerpaat takorlooruminaatsitaannik aamma inuusuttuunermi inersimasunngornermilu ajornartorsiuterpassuarnik nassataqartarpoq.

Taarsuarmiik qaamanermut isertoqarsinnaavoq, ulluni nalginnarni pitsaanagerusumik inuuneqalerluni. Taamatut pisoqarnikuuvoq allat malitassaannik. Aamma inuunermi misigisimasat artornartut inooqatigineqarsinnaapput, pisariaqarporli katsorsartinnissaq, paasitinneqarnissaq, ilisimasaqarnissaq aamma inuiaqatigiinni pasiuminartumik inissisimanissaq.

Aqqutissat ilangisinnaasariaqarpaat paasissutissiilluni qaammarsaanissaq nuna tamakkerlugu tusagassiutit aqqutigalugit, atuarfinni, timersoqatigiiffinni, kattuffinni, kommunini, Namminersorlutik Oqartussani, sullivinni namminersortuni.

Demokraatini isumaqarpugut ataasiinnaanngitsumik kinguaassiutitigut kanngutsaattuliorfigineqarsimasunut nuna tamakkerlugu sullissivimmik peqartariaqartugut, nuna tamakkerlugu immikkoortortani tamakku sullinneqartassapput, pitsaaliuisoqartassaaq aamma ajornartorsiut pillugu ilisimasaniq siammarterisoqartassaaq aamma avataaneersut ikiuerusussinnaasut qujarutissavagut. Kattuffiit ikiutinneqarsinnaapput, aningaasaliisoqarsinnaavoq, suliniutinik aallartitsisoqarsinnaavoq, sulisunik atukkiisoqarsinnaavoq, isumassarsianik tunisisoqarsinnaavoq, ilisimasaniq agguasoqarsinnaavoq - pisariaqartinneqartunik torersumilli.



Eqqarsaatigilaariarsiuk qanoq iluaqutaatigissagaluarnersoq Nunat avannarliit tamarmik tapersersuisuuppata. Nunami meeqqanut kusanarnerpaamik apuussisoqassagaluarpog.

Meeqqanik kinguaassiutitigut atonerluisarneq pillugu kisitsisit annertungaarmata inuiaqatigiittut isiginnittaaserput nikeriarnikuuvoq. Inersimasut sullissisut qamani uummatiminni aliasuummik nassataqartuarput takusatik tusaasimasatillu pillugit. Meeqqat inuusuttullu artorsartut ullumikkut ikiorneqartariaqarput. Massakut! Sukkanerpaamik pisariaqarpoq. Politikeritut suliassaraarput aamma nunami maani inersimasutut suli naammasseqqajannigilaq, aatsaat naammassissaaq takusinnaalerutsigit nunatsinni meeqqat toqqissisimallutik angalaartut, inuusut ineriartorlutik, ilinniartut ernumanatik inersimasunit pinerlineqarnissaminnut, sumiginnagaanissaminnut, paarinerlunneqarnissaminnut, atonerlunneqarnissaminnut aamma minnerunngitsumik kinguaassiutitigut innarlerneqarnissaminnut kiisalu kinguaassiutitigut atonerlunneqarnissaminnut.

Meeqqat tunissutisiatta annerpaartaraat.

Suliassaraarput isumagissallugu kusanartumik ineriartortissallugit, inersimasunngorunik kissaatigisaminnik sunngorsinnaallutik. Innarlerneqarsimanertik, sumiginnagaasimanertik paarsaanerlussimanertik pissutigalugu ikeqaratik.

Tamanna piffissap sivikitsuinnaap ingerlanerani angusinnaanngikkutsigu, inuiaqatigiittut kukkussaagut aamma akisussaaffik nunami maani inersimastut tamatta ersupparput. Tamaavitta.

Akisussaaffik tigusariaqarparput. Massakkorluinnaq.